

書名 皇明文衡一百
卷 正德五年
序刊本
撰者 明 程敏政 輯
明 范震、李文
會 校

卷 卷九十三
內容分類 集 總集 各代 明

索書號 大木 集部 總集類 30
編號 D7861500

彩色首頁1

東洋文化研究所漢籍目錄 編號: D7861500

東洋文化研究所漢籍目錄所藏漢籍善本文影像資料庫 索書號: 大木 集部 總集類

30 漢籍善本文影像資料庫文本 皇明文衡一百卷 正德五年序刊本

版權所有: 東京大學 東洋文化研究所

使用上的注意事項

卷九十三



皇明文衡卷之一

代言檄

原檄



翰林院學士新安程敏政選編
鄉進士國子監助教永康范震校正
賜進士應天府儒學教授郊郢李文會重校

宋濂



自古帝王御天下中國居內以制夷狄夷狄居外以奉中
未聞以狄治天下也自宋祚傾移元以北狄入主中國
不臣服此豈人力實乃天授然達人志士尚有
美自是以後元之臣子不遵祖訓廢壞綱常有
如大德廢長立幼泰定以臣弑君天曆以弟醜兄至於弟技

皇明文衡卷之九十二

皇明文衡卷之九十三

墓表

陳靜誠先生墓表

楊士奇

士有效用於國深被簡知而不爲爵祿所縻從容自得不在其道必其智識明正審內外之辨察事幾之微確乎中而不奪此不謂之豪傑可乎我

國家龍興之初有若金陵陳中行先生者殆其人歟先生諱遇中行其字天資純粹自少篤學博究經史元至正中授江東明道書院山長溫州路教授遠近從者紛集講下元綱不振兵亂四作遂棄官歸隱間居一室安澹守約名其室曰靜誠鄉里遂以靜誠號之先生憫世亂益甚每夙興焚香叩天願早生仁聖以活創殘我

太祖高皇帝定鼎金陵時南臺侍御史秦元之素知先生入
言於

上曰陳遇有輔翼才宜實左右使效禔益即日召見與語大
悅禮待加厚稱先生而不名日侍帷幄贊幾務

車駕幸其第者三命之官輒辭臣民既推戴

上登大寶所承諮問悉保國安民大計先生竭心據誠多所
獻替命為學士翰林者再皆固辭嘗奉密命偕中官趙信往
視浙江還奏稱 旨賜白金又命為禮部侍郎又固辭間遘

疾 賜藥命中官挾太醫院官視療時微寒特 賜錦被及

上供米既瘥入謝

上嘉獎連稱君子者三又除禮部尚書又固辭辭是不復強
之以職每召見錫勞必厚或坐久必 賜宴闕命廐馬送歸先

生秉義懷忠非正道不陳群臣以過被譴者率為解釋

上亮其誠未嘗為忤數諭之曰卿老不欲仕有子令帶刀侍

衛中首以子幼辭蓋靜澹恬退始終一志前後所得賜問

宸翰頗多眷待之厚亞於勲戚蓋春秋七十有二而卒卒於

洪武甲子九月十九日訃聞遣中官賜祭加東園秘器及購

命葬鍾山長林之原右春坊大學士董倫為誌其葬陳之先

家于曹宋龍圖閣待制義甫從高宗南渡累官金紫光祿大

夫沒謚文忠始家建康至理宗朝武功大夫淮南諸路兵馬

都統制執中先生曾祖也祖文德元舉進士授溧陽州判考

辛之淮南鹽課提舉妣湯氏娶金華王氏繼維揚周氏皆世

族子男四長欽王出次敬次誠季恭及三女皆周出欽誠俱

蚤卒女皆有歸孫男六綱紀純綬紹綜女四恭舉鄉貢進士

累官今為通政司左通政有才名于時

朝廷以恭貴累贈先生中議大夫贊治尹大理寺右少卿周氏贈恭人於是恭奉事狀拜求表墓余聞先生志尚清遠興韻蕭散味道之餘游心繪事嘗寫

高皇帝御容妙絕當時然未嘗自名世亦無能得之者先生有弟中復洪武中嘗隨入侍永樂初授翰林待詔余數得晤語其為人端重清雅不苟言笑間出論議娓娓近道亦妙繪事為

文皇帝所重時中復子孟顥以善書從余翰林簡靜脩潔絕口不道繪事余間與中復語及之曰此兒頗有志操不屑意鄙事走也少年在先兄側戲弄筆墨先兄叱曰吾豈他無一長汝乃習其下者今雖老每思前言未嘗不內愧然無及矣

嗟夫先生履素操潔識明義正革運之際躬荷知遇卒完所守以沒雖一藝所耽昔人不免春苑池之屈先生澹然之存不為時屈非一世之豪哉逮其後來如中復父子猶嗣承無忝又可以觀先生之刑於家也惜其遭際對越之間必有裨國及民之實既不自言其當時者舊知先生者又物故已盡遂泯無傳故特書其大槩俾恭刻石墓道

沈學士墓表

嗚呼此吾友翰林學士沈公之墓沈世家松江華亭大考諱德輝嘗為郡史平反冤獄百數十人鄉稱長者妣宋氏考諱易仕為諮議叅軍無幾棄官養親而授徒里中惇行倫誼集五倫詩以教學者而甘貧樂義人號苦節先生妣顧氏有善德二子長即公諱度字民則次燦字民望公天資溫雅敦實

自幼嗜學博涉經史洪武中郡邑交舉文學弗就坐累謫雲南跋涉萬里處患難其中裕然時同謫者多名人率於公安達官重帥爭欲迎致公館下 岷王具禮幣聘之既至屢進直言居無幾辭去都督懼能知賢下士延於家塾為弟子師旦暮躬請益焉其入京師也以公偕行時

太宗皇帝初臨御命翰林舉賢才今禮部尚書江陵楊公為編修以公名上擢翰林典籍方時制勅填委既覘草學士以下率分書之

上獨覽公書稱善一時翰林善書如解大紳之真行草胡光大之行草滕用亨之篆八分王汝玉梁用行之真楊文遇之行皆知名當世而胡解及公之書獨為上所愛凡玉冊金簡用之

宗廟朝廷藏祕府施四衣閣刻之貞石傳于後世一切本制作必命公書公之書婉麗飄逸雍容矩度兼篆八分八分尤高古渾然漢意而日侍清密無間 賞賜二品金織衣新製象笏鏤公氏名塗金以賜以其弟與子皆善書皆官之近侍父子兄弟並榮於 朝古及下以書遭承寵遇莫或加公書蓋公一藝耳為文章尚與致平澹雅則不為乎靡事 上必盡誠被顧問必以正對由典籍陞檢討復陞修撰遂陞付講學士奉直大夫

仁宗皇帝賜誥命進協正庶尹贈其考奉直大夫協正庶尹翰林侍講學士其妣宜人予誥歸焚黃賜鈔給驛傳

宣宗皇帝臨御進翰林學士奉政大夫年踰七十再上章乞致仕歸不聽公事親孝與弟粲友爱相篤終身與金終不益

敬為人貞靜不苟附初入翰林鄉人有為太宗術者得
君有氣勢赫赫朝士希進者日奔走其門公以故舊獨日守
未嘗輕造間或邀公輒以禮辭士論高之聞暇閉戶焚香鳴
琴賦詩以自樂人號自樂先生襟宇澄澹風韻蕭散所好惟
載籍法書名畫古器自題其齋居曰樂琴書處禳別花卉奇
石高人韻士至必具觴酌或吟或奕意度條然所作詩文有
滇南蒙隨筆錄西清餘暇自樂蒙藏于家年七十有八一日
微疾猶作和玉行險詹事小洞天詞明日捐館宣德甲寅十
月廿二日也訃聞

上遣禮部郎中陳謨賜祭給驛舟歸喪 命有司營葬元配
碩贈宜人繼陳子二片先十五年卒藻中書舍人陞大理右
評副孫男二朝秀敏將學先十年卒次源女三長歸俞珙餘

在室曾孫男一士奇與公同入翰林相交三十有三年最相
得其沒也蓋哭之慟於是聚及藻求余表墓余忍以衰朽而
忘情老友哉敬為之表

興化知府李公墓表

李氏之先出唐宗室燉煌房五代時避地于越後之台之寧
海家焉見黃文獻公集中霽峰先生墓誌霽峰先生當宋末
元興之際以高文遠學重於時文獻蓋其考試浙省時門生
云霽峰於興化為高祖曾祖諱栗祖諱炳考諱塾明書詩春
秋洪武初分教華亭縣學因家焉後為鄞州同知卒於官歸
葬華亭娶華亭沈氏興化其子也諱銅字至剛號敬齋以字
行少穎敏不群嘗從學楊廉夫為詩文有清思洪武戊辰舉
明經奉 命侍

懿文太子初授祠部試郎中既實授坐累謫戍邊無幾召還
為虞部郎中尋陞河南布政司右叅議會河決汴隄居民危
懼公建議假王府積木作棧濟之人賴全活甚衆調湖廣布
政司左叅議

太宗文皇帝入正大統公來朝大臣有言其才且洪武舊人
遂以為通政司右通政方修洪武實錄公與焉曰莫在

上左右道說洪武中事甚親密是冬陞禮部尚書時禮部之
務叢牲公長於剗繁條理井然益具 寵運實錄成有白金
文幣金織衣之賜永樂二年春冊立

皇太子命公以尚書兼左春坊大學士東宮開經筵公與右
春坊大學士解縉最先進講及修永樂大典四方文儒皆集
仍以公董之無幾為侍郎兼禮所間見疏歲餘降儀制郎中

然遇劇務必以屬公解縉素厚公既滿坦諫出又以公言其怨
望後召下獄而奔下公

仁廟嗣位念公舊宮臣復以為通政數月又念其老不任朝
叅政知興化府時

朝廷方需仁澤於天下公仰祗德意勞心無緩郡民德之甫
再歲歿于官宣德丁未七月四日也享年七十 孫克配君
子子男二長瀛次源永樂甲辰進士疏通明敏自驗封主事
陞員外郎方嚮用於時嘗得推恩追賜父誥命及贈母恭
人女四長嫁盛衍次嫁太常少卿鄭雍言次嫁王瑄次嫁考
功主事宋琰雍言琰皆進士發身孫男八女三曾孫男一鳴
呼公歷事

四聖凡四十年入典邦禮輔

儲君出佐藩翰守名郡顯榮光大矣雖聞屬夷嶮然回眎同儕輩覆敗消亡何可勝計雖或存什一於千百而卒如公之歸然享高壽都重爵從容考終何其少哉况又有後嗣之卓然奮起而繼承之謂非所存之良所施之厚有以致之乎余與公同朝久源既請少保楊公銘公之墓又請余表於是乎言

禮部儀制郎中史君墓表

宣德二年春交趾之復叛也守帥奏請益兵

朝廷命安遠侯柳升等將七萬人往益之命兵部尚書李慶參贊軍事且勅慶凡六卿之屬才且賢者舉以自助慶所舉十數人其最才且賢禮部儀制郎中史安祠祭主事陳鏞師行慶與同臥起九月入交趾賊於官軍所經之處悉列柵

以守升既連破之且抵鎮夷關升有矜色升雖勇然亦好謀安鏞言於慶曰總戒之意驕公大宜力言之且夷賊譎詐不可以其屢敗忽之安知其不二小弱以誘我况弱壘書數數戒飭謂賊專以設伏取勝不宜輕率待之公宜速入言之時慶已病強起與升力言升唯唯而已也實無戒慎意明日前進以數百騎獨先其副及慶等皆在後升前度橋遽壞後軍阻不得前賊伏兵四起升被創死明日慶病不起又明日副將崔聚整兵以進聚固宿將然倉猝賊驅象赴關眾亂聚被執寇大呼官軍降即不殺安鏞比日曰吾輩見危授命耳皆死之十月十八日也先是賊陷昌江等城城中如都指揮李任指揮顧福知府劉子輔知州何志等皆守節死交趾守帥知任等死事以聞皆得帥褒贈從升等死者守帥隔遠不明知不

及聞時與安鏞同行親見其事後得脫歸者雖言之詳而有司以無官府上狀不可質故安等之節不得暴白於朝此世之所共深惜而痛悼者也一時同死者如吏部主事李宗昉等蓋多而安與鏞之事有聞者在慶左右也兩人皆進士發身最相得安字志靜元宰相鎮陽王天澤之後安家江西豐城爲人謹重廉正雖職務填委好學不倦而疏達勤敏六卿爭欲爲其屬尤見知於

仁廟屢垂嘉獎死時年四十三鏞字以振錢唐人重厚清介所履端確未嘗一比匪人而勤於學問三十年來余所識錢唐士人仕京師其所言所行表裏一由於正者其惟叔振然知之者寡矣死年三十四志靜之子取其父衣冠葬之請余爲表余數聞其死時事爲表之曰禮部郎中史君以忠死葬

於此其曾祖憲中元河南行省都事其祖文質洪武初富州吏目其父伯允贈禮部郎中其母甘氏封太宜人配熊氏封宜人其子男四人而附見主事陳君百史君之同僚友生同志而死同節者也

陳雅言先生墓表

鄒緝

求豐陳雅言先生通經博古之儒也其德行道義足以爲師乎後進其著書立言足以垂示乎久遠啓迪乎將來蓋所謂篤學力行有德有言之君子也年六十有八以洪武十八年乙丑十一月二十七日卒卒後三十年其孫中書舍人彛訓始以先生行狀既請翰林學士胡公光大爲追銘其墓而翰林侍講鄒緝復爲之表曰先生自幼讀書聰敏善記爲其祖山長君所愛長受詩於翠微傳志行受書於東江徐復與其

凡至言善言兄弟五人並習舉子業然累試有闕不得意即
舍去曰此蓋有命也遂大肆力於古學閉戶不出窮研六經
史傳百家之書久之脫然有所得其文辭由是大進若雲蒸
霧滂不可禦遏鄉先達皆器重之值元季盜起先生避亂潛
遁山谷中作閔已寒松二賦潛夫擬以見志

大明肇興削平諸寇盜來豐縣治新復首起先生典教縣學
先生乃請建學舍收召子弟俾就學且經理租賦以爲其養
由是人才復興郡守鐵公某豈公公已知相繼至皆以學行薦
先生時年五十餘慨然欲就徵以母病不果行先生事母孝
侍湯藥不違寒暑母年九十四而終哀毀幾喪明服闋乃愈
嘗草便宜十五事欲詣京師上之又以疾作而止自是遂不
起矣先生長身正立鬚髯過腹而襟度洒然不爲崖岸慨慷

尚義急人之困如恐不及嘗有貧學田租三年不償者官徵
之急將售其女以償涕泣不忍舍先生聞爲代輸而還其女
有從內弟之子貧不能自資先生收而教之卒以有成立旣
又葬里之不能葬者凡九喪平居以禮讓教人多見化服其
爲學篤實純正有以得夫聖賢之遺箴故其著述多所發明
教門人登第者甚衆後進士名取則焉所著有曰書一覽大
學管窺中庸類編書經卓躍今行于世嘗擬崔駰遺旨二千
餘言及天對六篇記序碑銘讚誄賦頌凡若干卷藏于家先
生之考元興元路學正諱立本祖陽豐書院山長諱可權曾
祖宋信州司戶參軍諱應沐自參軍以上二世皆舉進士有
官闕先生之配曰鄧氏慈孝恭儉甚有婦德先生卒之明年
正月十日亦以疾終遂以其月十九日與先生合葬于縣之

龍雲鄉長源坑之原子二人子威子儀女四人長適曾濟次
適曾仲禮鄆縣學訓導次適曾用臧今為

蜀王府教授即狀先生之行者次適張宗璉孫男五人彝訓
今為中書舍人次資訓大訓其訓是訓曾孫男幾人惟先生
之學克碩宏富深於道德性命之要微言奧旨探索精至為
文章豐衍有法其為人明粹剛直言必有則而卓然有用世
之志惜其不得以太見於時而其善之所及僅止于一鄉然
其有以施於人傳諸天下後世而不遂泯沒則其所得固已
多矣乃列世次行實刻之苔壘以昭示于將來之君子

長史金君用誠墓志

楊榮

衛府左長史三衢金君以正統己未夏五月二十日卒于官
子統懼其才行聲實之懿久或湮泯無以昭示後世議予文

表諸墓辭不獲為之敘曰君諱寔字用誠浙之三衢開化人
曾祖振之祖伯圖父德厚三世俱不仕母蘇氏君自幼穎悟
書過目成誦始從叔祖戶科給事中王銜學即知屏去浮靡
專意經傳暨游邑庠甚為典教者稱賞且以遠大期之歲壬
午

太宗皇帝入正大統詣闕獻書以君德民政為之綱躬行
仁義虛已納諫明察善斷審於用人恭儉節用為君德之目
厚風化尚廉耻省刑罰薄賦稅愛民力為民政之目

太宗嘉納其言復親策之對稱
上旨命入翰林與修

太祖皇帝實錄書成賜以金幣未樂紀元擢翰林典籍修未
樂大典未幾特選為東宮講官時

仁宗皇帝在儲位恩眷累加丁亥以外艱去服除陞左春坊左司直郎日侍經筵講說詳明致有良佐之褒辛卯丁母憂哀毀成疾甫十年始起任職

仁宗登極沙簡宮僚之賢者輔導諸王乃授衛府左長史階奉議大夫誥贈其考如厥官妣為宜人是歲復召入西掖募述先王格言以備顧問宣德丙午歸謁先塋恩賜優厚拜奠既畢日召鄉黨宗戚相與燕樂以榮

上賜既還益以輔導為已任

上深敬禮之

今上皇帝嗣大寶郊祀謁陵悉以命王左右之力居多戊午冬王薨哀感成疾已未春為禮部會試同考官事竣上疏乞骸骨命下而卒享年六十有九君天性至孝少遊學官

以不得奉旦夕歡朔望歸謁必奉觴上壽以悅親心父喪母宜人娛養備至友愛季弟老而弗衰鄉黨以誠信善則揚之過則從容規之子弟好學者激勵而誘進之至於周貧恤難不吝所有故人林文節卒于京親為殯斂歸其遺骸太學生江表死無所托君既為治喪身閱其篋得白金數十兩封識以歸其家其以義從事類如此居家敦行節儉而甚孝友賓客過從輒命酒為歡談論竟日疊疊忘倦閱經史日有程限或有事妨夜必補之不以寒暑少廢故經史子書以及陰陽星曆醫卜老釋諸書悉能探其髓而究其非嘗曰人能無非覺而改之斯善矣據伯玉行年五十而知四十九年之非孔子嘗以君子稱之因以譽非名齋賦詩以自警有靜存動察兢兢自持之語為文章春容暢達理與氣俱詩則和

平冲淡無雕琢之病有文集若干卷藏于家配汪氏封宜人
子男三人長曰縷次即統已酉鄉貢士季曰紘女二人曰綺
適方潛曰縷奴庶出也孫男十二人徙義養蒙俊童進思克
已弘訓象賢鵬搏熙載允濟汝霖其孫女二人其壘以其年
某月某日其墓在其鄉某山之原嗚呼君之學行自足以昭
當時傳後世豈待表而見哉然孝子之心目有所不能已者
也故爲之述其槩俾勒石于墓上

故國子司業吳君墓表

君子寓形天地間德足以師表于士類學有以兼通乎古今
脩諸已者有餘而見於用者或有未盡故其旣沒而哀傷追
慕猶不能已於人者若予亡友國子司業吳君是也君諱溥
字德潤別號古崖先世家臨川之種湖曾大父景南號南樵

博學工文章廬吳文正公嘗序其南樵吟藁大父其孫
隱德弗耀父思清贅崇仁章氏後遂爲崇仁人君生元平
癸卯四月四日少遊於鄉先生前渭南令鄧伯恭門伯恭見
而奇之謂思清曰是子器宇不凡異日必能大公之門弱冠
舉孝廉不就洪武丙寅邑大夫知其才賢乃舉邑庠弟子員
從前進士李原成治春秋文藻甚爲原成稱賞家雖貧窘而
志學不厭祁寒盛暑亦不少廢同輩有忌之而肆譏侮者恒
不與校而所志益堅歲庚午領江西鄉薦以疾弗果會試尋
丁外艱哀毀骨立幾至不起服闋假館學舍教授以自給衆
亦易視之獨永豐羅博士師程時分教邑庠拆節與交乙亥
上京師以試期不及遂入爲太學生嘗奉詔宣諭武臣使雲
南卻其元戎文綺之贈又以閱士使福建一無毫髮之私

人皆稱其廉介其所至遇古跡名勝輒賦詠紀之累至數百篇比還太學時太常丞張顯宗壩祭酒事嚴毅方正於諸生中罕與可獨以君爲賢而爲廷舉於公卿大夫間歲庚辰試禮部第一廷對賜進士出身擢翰林編脩未幾初與脩太祖高皇帝實錄書成大沐恩賚陞脩撰既又纂脩永樂大典充副總裁戊子用祭酒胡公若思薦陞國子司業居官以禮自持以師道自任以勤率諸生每五鼓升堂講授終日危坐無怠容諸生皆敬畏而心服焉

仁宗皇帝在東宮監國南京眷遇殊厚洪熙紀元首膺

勅命進階承德郎贈及考妣宣德丙午通政使陳遵奉命掌國子監事九月三日設宴公堂君從容言笑如平時酒闌忽得風疾昇歸私第以是夕卒享年六十有四臨終無一語及

身後事但屬治喪不用浮屠所著述有古崖藁若干卷鄭氏封安人子男四人與弼與疇與年與性女二人長適應天府學教授孫曰讓次適豐城徐士英孫男三女七諸子奉匱歸葬崇仁邑治北二十里之左橋旣葬十有三年與性以明經領薦至京泣而言曰先君子務學篤行以古人自期而官止司業弗究所施年未及古稀不少無似又不克致位通顯以光振先德惟先生於先君子同年登第又同日擢官翰林知之悉者莫先生若也表諸墓道傳示永久亦莫若先生宜也不肖敢以請嗚呼君之孝友篤行出自天性清脩苦節至老弗替其爲詩文詞暢理明足追古作者第以不媚當道官太學幾二十年而不獲敘遷卒之日身無以爲殮家無以爲之喪子孫無以爲衣食資而縉紳之流持平公論者莫不爲之

悼歎也然君之志雖不獲大伸於當時而能使天下之人
君之德操者無間於貴賤傳誦君之文章者無間於遐邇視
被之得志一時而泯沒於身後者豈不相去遠矣哉况君之
子若孫有志問學期乎顯榮昌大以慰君於地下者又有可
與歟姑立表以俟云

皇明文衡卷之九十三





